

四庫全書

子部

欽定四庫全書

全芳備祖前集卷十六 宋 陳景沂 撰

花部

紫微花

事實祖

碎錄

紫微花小而叢其色紫俗所謂怕痒花也

坡詩注

紀要

唐制中書舍人知制誥姚崇為紫薇令開元改紫薇舍

人又曰紫薇省

唐書

虛白臺前有紫薇兩株俗云樂天所

種也

哲宗朝邇英閣講論語終篇賜執政講讀官吏

宮宴遣中使就賜御書詩各一幅東坡得樂天紫薇花

絕句

坡集

賦咏祖

七言散句

不先搖落應為有已欲別離休更開

李義山

薄膚痒不勝輕爪嫩榦生宜近禁廬

梅聖俞

五言古詩

幾年丹霄上出入金華省暫別萬年枝看花桂陽嶺南
方足奇木公府成佳境紫茸垂組綬金縷攢鋒穎露渥
暗傳香風輕徐就影興生紅藥後愛與甘棠並不學天

桃姿浮榮在俄頃

劉禹錫

亭亭紫薇花向我如有意高烟晚冥濛清露晨點綴豈
無陽春月所得時節異靜女不爭寵幽姿如自起

歐陽脩

紫薇異種木名與星垣相應是天上花偶然落塵中艷
色麗朝日繁花清曉風

五言絕句

天上絲綸閣如今萬里賒飄零空自歎曾對紫薇花

王右

丞

盛夏綠遮眼此花紅滿堂自慚終日對豈是紫薇郎

王梅

溪

堂前紫薇花堂下紅藥砌繁華天上春偏仄人間世

曾文

昭

五言八句

明麗碧天霞千茸紫綬花香開荀令宅艷入孝王家幾
歲自榮辱高情方嘆嗟有人移上苑猶足占年華

五言律詩散聯

宮中萬年木天上紫微垣此地飛塵隔經年絳雪翻
父

誰妙精花品殊標號紫微貴因隨赤馭種合近黃扉樹

動情何密花濃艷欲飛數枝臨省戶幾朵入宮闈趙后
鳴金瑟秦娥捲繡幃無情笑梅白淺俗厭桃緋

張俞

七言絕句

絲綸閣下文章靜鐘鼓樓中刻漏長獨坐黃昏誰是伴

紫薇花對紫薇郎

白香山
二首

一叢暗淡將何比碧淺籠裙襯紫巾除却微之應見愛
人間少有別花人

曉凝瑞露一枝新不占園林最上春桃李無言又何在

向風偏笑艷陽人

杜牧之

人言清禁紫微郎
草詔紫薇花影旁
山木不知官況別

也隨紅日上東廊

陶弼

虛白堂前合抱花
秋風落日照橫斜
閱人此地知多少

物化無涯生有涯

折得芳蕤兩眼花
題詩相報字傾斜
篋中尚有絲綸句

坐覺天光照海涯

一樹濃姿獨看來
秋庭暮雨洗塵埃
天涯地角同榮謝

豈要移根上苑栽

李義山

晴霞艷艷覆簷牙
絳雪霏霏點砌沙
莫管身非香案吏
也移坐對紫薇花

禁門深鎖寂無譁
濃墨淋漓兩相磨
唱出五更天未曉

一池月浸紫薇花

洪平齋

風標雅合對詞臣
映砌窺窓伴紫綸
忽發一枝深谷裏
似知茅屋有詩人

七言八句

紫薇花對紫薇翁名目雖同貌不同獨占芳菲當夏景
不將顏色託春風潯陽官舍雙高樹興善僧城一大叢
何似蘇州安歇處木蘭堂下月明中

白香山

禁中五月紫薇木閣後近間新著花薄薄嫩膚搔鳥爪
離離碎葉剪瓊霞鳳凰浴出池波響鵲鵲陰來日影斜
六十無名空執筆顛毛應笑映簪花

梅溪

七言律詩散聯

西掖重雲開曙暉北山疎雨點朝衣千門柳色連青瑣

三殿花香入紫薇

岑參

八月吳天覺早涼翠叢初折碎朱房繁枝欲卧不勝力

落片時飛猶自香

蔡君謨

樂府祖

賀新郎

此木生林野自唐家置絲綸閣托根其下長伴詞臣揮
帝制因號紫薇堪詫折叢蕊紫嬌紅姣料想紫薇垣降
種紫薇郎況是同名者兼二美作佳話 一株乃肯臨

茅舍肌膚薄長身挺立扶疎瀟灑定怯麻姑爬痒爪只
許素商陶冶擎絳雪柔枝低亞我憶香山東坡老只小
詩便為增聲價後當有繼風雅

祝和父

杜鵑花

事實祖

碎錄

一名山石榴一名山躑躅一名杜鵑花杜鵑啼時開

白集

其花生深山蜀人號曰映山紅荆楚山壁間最多

坡詩注

躑躅所在有之春生苗似綠蔥葉似紅花莖高四尺夏
開花似凌霄山石榴旋菑花等而正黃色羊誤食其葉
則躑躅而死故以為名今嶺南蜀道徧生皆深紅金色

如錦繡然

圖記

紀要

鶴林寺在潤州有杜鵑花高丈餘每至春月爛漫僧相
傳云正元中有僧自天台移栽之其後有殷七七字文
祥周寶舊識之及移鎮浙西營飾其花院鎖閉時或窺

見有二女子共游林下俗傳花神也寶一日謂七七曰
鶴林之花天下奇絕嘗聞能作時花今重九將近能開
此花副此日乎七七乃前二日往鶴林焉中夜女子來
謂七七曰妾為上帝所命司此花今與道者開之然此
花不久歸閬苑矣于是女子瞥然不見及九日爛漫如
春寶大驚異遊賞累日俄不見其後兵火焚寺樹失根
株信歸閬苑矣

坡詩注

物以希見為珍不必異種也鶴林

寺杜鵑乃今映山紅又名紅躑躅在山東徧山亘野殆

與榛莽相似而鶴林之花至以為外國僧鉢盂中所移
上帝命玉女下司之已踰百年終歸閨苑是不特土俗
罕見雖神仙亦不識也王建宮詞云大儀前日煖房來
囑向昭陽乞藥裁勅賜一窠紅躑躅謝恩未了奏花開
其重如此則宮禁中亦鮮之

容齋
隨筆

賦咏祖

七言散句

杜鵑花落杜鵑啼

香山

杜鵑啼處血成花

寇萊公

莫怪行人頻悵望杜鵑不是故鄉花

司空圖

石榴躑躅少意思照耀黃紫徒為叢

韓退之

山榴花似結紅巾容艷新妍占斷春

山白香

當時只道鶴林仙能遣秋光放杜鵑

東坡

楓林翠壁楚江邊躑躅千層不忍看

牧童出捲烏鹽角越女歸簪謝豹花

徐竹隱

遊人莫苦忙春早躑躅花殘有牡丹

陳錦山

一聲杜宇啼春風明朝緋挂千山叢

王梅溪

造物私我小園林此花大勝金腰帶

五言古詩散聯

山中泉壑暖幽木寒更芽春鳥各噤口遊子未還家云

誰未及還對此重興嗟何必因啼血顏色勝明霞

聖俞

夏園無襍英灼灼石榴開落日杜鵑苦花仍委蒼苔餘

芳不可贖含章空徘徊

張俞

五言律詩散聯

漸綻胭脂萼猶含琴軫房離披亂剪綵斑駁未成粧絳
焰燈千炷紅裙妓一行好差青鳥使封作百花王

山香

孤花裊餘翠燭影無多妍迸火燒閒地紅星墮遠天

七言古詩

九江三月杜鵑來一聲喚得一枝開江城上佐閒無事
山下斲得廳前栽爛漫一闌干八樹根株有數花無數
千房萬葉一時新嫩紫殷紅鮮麴塵淚浥浪損胭脂臉

剪刀裁破紅綃巾

山香

紫躑躅滅燭櫳裙倚山腹文君新寡乍歸來羞怨春風
不能哭我從相識便相憐但是花叢不回目山花漸暗
月漸明月照空山滿山綠山空月午夜無人何處嬌顏
映紅玉

七言古詩散聯

忠州州裏今日花廬山山頭去年樹已憐根損新新栽

還喜花開依舊數

香山香

南漪杜鵑天下無披香殿上紅氍毹鶴林兵火綠如夢

不歸閨苑歸西湖

東坡

七言絕句

玉泉南澗花奇怪不似花叢似火堆今日多情惟我到

每年無故為誰開

香山

蜀國曾聞子規鳥宣城還見杜鵑花一叫一回腸一斷

三春三月憶三巴

太白

蜀客千年尚怨誰聲聲啼血向花枝滿山明月東風夜

正值愁人不寐時

羅邨

春紅嬌謝又秋紅蜀國亡來入楚宮應見蜀魂啼不盡

更憑顏色訴西風

吳融

嫩紅輕紫仙姿貴合是山中寂寞開九陌風塵肯相顧

可憐望使下山來

劉原父

雲樹重重和淚冷故宮遺廟有知音秦吳萬里皆芳草

染到山花恨最深

趙成德白
花二首

春山未有杜鵑啼花發杜鵑知不知寄語催歸儘哀怨

莫將啼血污仙姿

冰肌玉骨擅無雙
不與山花鬪艷粧
欲染啼紅冤杜宇
爭如傅粉伴何郎

泣露啼紅作麼生
開時偏值杜鵑聲
杜鵑口血能多少

恐是征人滴泪成

誠齋

何須名苑看春風
一路山花不負儂
日日錦江呈錦樣
清溪倒照映山紅

金鴨香燒午夜烟
空彈寶瑟怨流年
東風一架舊薇雪

老盡春風是杜鵑

柳月潤

露凝丹臉聚芳肌不御鉛華亦自奇強學海棠春睡足

如何學得未醒時

北磬
僧

蜀魄啼山血染枝幻成紅艷送春歸不須聲裡催人去

纔見花開便合歸

陳龜
峰

鮮紅滴滴映霞明盡是冤禽血淚成羈客有家歸未得

對花無語兩含情

吳
齊

深藏密葉人難見斷送春光夢一空啼得血流成底事

只應多作映山紅

劉肅
仲

輕剪梢頭薄薄羅子規前血恨難磨園林莫道香飛盡
嫩綠枝頭不用多

易寓
言

七言律詩散聯

一叢千朵壓欄杆剪碎紅綃却作團風嫋舞腰香不盡

露銷粉臉淚新乾

香山

樂府祖

定風波

百紫千紅過了春杜鵑聲苦不堪聞却解啼教春小住

風雨空山招得海棠魂 一似蜀宮當日女無數
猩血染赭羅巾畢竟花開誰作主記取大都花屬惜花人
軒稼

沁園春

儘為花愁儘為春歸直恁恨深況雨急黃昏寒欺客路
月明夜半人夢家林店舍無烟楚鄉寒食一片花飛那
可禁小凝竚黯紅蕩翠老江樹陰陰汀洲杜若誰尋
想朝鶴怨兮猿夜啼甚連天芳草淒迷離恨拂簾香絮

撩亂身心汝亦知乎吾今倦矣雍有餘春可共斟歸來

也問淵明而後誰是知音


方秋
岷

啼魄一天涯怨入芳華可憐零落血染烟霞記得西風

秋露冷曾挽司花 明月滿窓紗倦客思家故宮春事

與愁賒冉冉斷魂招不得翠冷紅斜

高竹
屋



全芳備祖前集卷十六

欽定四庫全書

子部

全芳備祖前集卷

十七至二十

詳校官中書_臣竇汝翼

主事_臣祁韻士覆勘

總校官庶吉士_臣朱 鈐

校對官助教_臣卜維吉

謄錄監生_臣陸潮愈

欽定四庫全書

全芳備祖前集卷十七

宋 陳景沂 撰

花部

薔薇

事實祖

碎錄

薔薇一名牛勒一名牛棘一名山棗一名薔薇

本草經

一

號野客

紀要

薔薇紅露大食國花露也五代時以十五瓶入貢厥後
罕有至者今則採茉莉為之然其水多偽試之當用琉
璃瓶盛之翻搖數四其泡周上下為真香錄

五言散句

醉暈淺深粧香山香

已從槐借葉更與荔為裳張功父

猩猩疑血點瑟瑟感金裝香山香

胭脂含笑臉蘇合裏衣香

九微燈運轉七寶帳熒煌

麗藥惜不掃婉枝長更佇

孟郊

醉紅不自力狂艷如索扶

忽驚紅琉璃千艷萬艷開

通體全無力酡顏不自持

魏野

綠深微露刺紅密欲藏枝

雨聲籠錦帳風勢偃羅幃

樂密應藏刺花繁不露條

七言散句

胭脂濃抹野薔薇

楊廷秀

穠華自古不得久況是倚春春已空

陸龜蒙

可憐鬪麗難勝日照得深紅似淺紅

鶯聲漸老柳飛時狂風吹落猩猩血

僧齊己

紅萼似嫌塵染污青條飛上別林開

王元之

攀折若無花底刺豈教桃李獨成蹊

夏竦

石家錦障依然在間倚東風應不收

白氏集

好把膽瓶收露水亦須南渡貯薔薇

陳水涯

湘紅染就高張起蜀錦機成乍剪來

劉後村

可惜荼蘼都過了近來猶自有薔薇

張谷山

薔薇野性能拘束過了鄰家屋上紅

趙蔗境

解向人間占五色風流不盡是荼蘼

劉原父

五言古詩

當戶種薔薇枝葉太麤歲不搖香已亂無風花自飛春

閨不能靜開匣理明妃曲池浮米米斜岸列依依或聞
好音度時見啣泥歸且對清醑湛其餘任是非

梁柳惲

似錦如霞色連春接夏開波紅分影入風好帶香來得
地依東閣當階奉上台淺深還有態次第暗相催滿地
愁英墜緣堤惜棹回芳濃濡雨露明麗隔塵埃似著胭
脂染如經巧婦裁奈花無別計只有酒殘杯

劉禹錫

五言古詩散聯

石榴珊瑚蕊木槿垂新葩豈如茲木麗逢春始發花迴

風舒紫萼照日吐新芽

梁簡文帝

經植宜春館，霏靡上蕊宮。片舒獨帶紫，半卷未全紅。葉

疎難蔽日，花容易傷風。佳麗新粧罷，含笑折芳叢。

梁鮑

低枝詎勝葉，輕香幸自通。發萼初攢紫，餘米尚霏紅。新

花對白日，故蕊逐春風。

齊謝眺

五言絕句

不到東山久，薔薇幾度花。白雲還自蔽，明月落誰家。

李太白

白

五言八句

四面垂條密浮陰入夏清
綠攢傷手刺紅墮斷腸英
粉著蜂鬚膩光凝蝶翅明
雨中看亦好況復值初晴

朱慶餘

堪愛復堪傷無情不久長
浪搖千臉泪風舞一身香
似濯文君錦如啼漢女粧
所思雲雨外何處寄馨香

李羣玉

海外薔薇水中州未得方
旋偷金掌露淺染玉羅裳
已換桃花骨何須賈氏香
更須麴生輩同訪墨池楊

誠齋

七言古詩

仙機軋軋織鳳凰
花開七十有二行
天霞落地攢紅光
風枝嫋娜時一揚
飛葩散馥繞空王
忽驚錦浪洗春色
人似宮娃逞粧飾
終當一使移花根
還比蒲桃天上植

孟郊

七言絕句

一架長條萬朵春
嫩紅深綠小窓勻
只因根下千年土

曾夢西川織錦文

裴說

朵朵精神葉葉柔
雨晴香拂醉人頭
石家錦障依然在

閒倚東風夜不收

杜牧之

碎剪紅綃間綠叢風流疑在列仙宮朝真更欲薰香去

爭擲霓衣上寶籠

魏野

紫透紅殷態度陳露葵生色借芳新春風便是黃金屋

羞殺黃金屋裏人

紅殘綠暗已多時路上山花也則稀
嘉直餘春還仔細

燕支濃抹到薔薇

誠齋

七言八句

浥露寒風匝樹開呼童淨掃架邊苔
湘紅染就高張起
蜀錦機成乍剪來公子但貪桃夾道
貴人自愛藥翻堦
寧知野老茅茨下亦有繁英送一盃

劉後村

七言律詩散聯

曉風抹盡燕支顚夜雨吹殘蜀錦機
當晝開時正明媚
故鄉疑是買臣歸

還列從容蹀躞歸光風貽蕩發紅薇
鶯藏密葉宜新霽
蝶繞低枝愛晚暉艷色當軒迷舞袖
繁香滿徑拂朝衣

樂府祖

生查子

玉女翠帷熏香粉開粧面不是占春遲羞殺羣花見

纖手執柔條絳雪飛千片流入紫金卮未許停歌扇

李橋

山

金沙

賦咏祖

五言絕句

故作茶縻架金沙祇謾栽似矜顏色好飛度臘前開

王安

石

七言絕句

海棠開後數金沙高架層層吐絳葩咫尺西城無力到

不知誰賞魏家花

王安石

天遣茶縻玉作花紫綿揉色染金沙憑君著意樽前看

便與春山立等差

山谷

獨種茶縻冷却伊金沙作伴暖相依茶縻枯了來年補

且看金沙也自奇

誠齋
二首

雙松樹子碧團團
紅錦纏頭白錦冠
儘放花枝過牆去
不妨分與路人看

滿架冰肌合碧雲
翻堦碧袖助紅裙
玉堂只有金沙在

伴值明年又屬君

周益
公

七言八句

金沙道是殿裙芳
不道荼蘼輸一場
十里紅粧踏青出
一張錦被晒晴香
只須舊蔭已無暑
更走新條如許長

若恨昨朝來草草夜來風雨更禁當

誠齋

樂府祖

米桑子

青條綠葉結起蓬瀛連萬疊風引飄飄下有紅波映綠
鰲五城烟臉剪碎綠雲紅點點帖在山腰旁有斑斑

雪未消

仲殊

木香花

賦咏祖

五言散句

青春逐流水素質獨輕微

張芸叟

七言散句

喚得梅蕊要同韻羞殺梨花不解香

晁詠之

莫惜金錢買玉英檐前春老過清明

盧溪

霜蕤不艷薇爭白檀蕊無烟蕊惜馨

湘山居士

生憐一架明于雪

闕

七言絕句

庭前一架已離披，莫折長枝折短枝。
要待明年春盡後，

臨風三嗅寄相思。

芸叟

粉刺叢叢鬪野芳，春風搖曳不成行。
只因愛學宮粧樣，

分得梅花一半香。

劉原父

廣寒宮闕月樓臺，露裏移根月裏栽。
品格雖同香氣俗，

如何却共牡丹開。

張浮休

七言八句

朱簾高檻俯幽芳，露浥烟霏玉褪粧。
月冷素娥偏有態，

夜寒青女不禁香從教春事年年晚要使詩人日日狂
替取秋蘭紉佩好忍隨風雨受淒涼

晁詠之

樂府祖

點絳脣

日蓋垂垂玉英亂簇春光滿韻清香遠煖日烘庭院
露浥瓊枝臉透何郎暈空凝恨古人不見誰與花公論

王梅溪

已

見茶藤內

全芳備祖前集卷十七

欽定四庫全書

全芳備祖前集卷十八

宋 陳景沂 撰

花部

柳花

事實祖

碎錄

柳花一名絮

本草

柳花入水經宿化為浮萍

東坡詩注

紀要

謝安姪女道韞乃謝奕之女雪下叔父安曰何所似也
安兒子曰撒鹽空中差可擬道韞曰未若柳絮因風起

晉書

賦咏祖

五言散句

飛綿亂上空

陳祖孫

仰蜂黏落絮

杜牧

春陰妨柳絮

白樂天

柳花閒度竹

韓愈

春風吹柳絮

賈島

落絮風捲盡春歸不留迹

歐公

葉似鏡中眉花如闌外雪

韋承慶

邂逅一杯酒東風柳絮天

吳履齋

輕袂楊花落遙裝燕子隨

賈秋壑

本是無情物南飛又北飛

僧子蘭

七言散句

糝徑楊花鋪白氈

輕輕柳絮點人衣

雀啄江頭楊柳花

生憎柳絮白于綿

並少陵

推排春事到楊花

吳履齋

顛狂柳絮隨風舞輕薄桃花逐水流

少陵

憑鶯說向楊花道絆惹春風莫放歸

白樂天

楊花榆英無才思祇解漫天作雪飛

韓退之

百花長恨風吹落惟有楊花獨愛風

輕花細葉滿林端昨夜春風晚色寒

孫光憲

閨門風暖落花乾飛徧江城雪不寒

李邕

為問如何插楊柳明年飛絮作浮萍

東坡

長恨滿天柳絮輕只將飛舞逐清明

一春情緒空撩亂不是天生穩重花

韓忠獻

依微謝女吟來雪零落襄王夢後雲

齊吳良

一月紛紛飛作雪白門啼煞護兒雅

宋景文

回雪有風嘗借舞落梅無笛可供愁

花邊嬌軟粘蝶翅陌上輕狂趁馬蹄

朱淑真

飛絮落花一任渠。北窓高卧綠陰初。

東萊

風前輕薄佳人命。天外飄零蕩子身。

高九萬

行人自逐楊花去。不是楊花肯送人。

陳長樂

落花飛絮將春去。斷雨零雲入暮寒。

吳履齋

飛花落絮滿長安。飲盡離杯度渺漫。

賈秋壑

莫欺春到荼蘼盡。更有楊花落後飛。

孫月境

芳草綠邊。鷓鴣楊花飛處。避河豚。

趙鼎齋

楊柳若知行客恨。不教飛絮撲人衣。

王花洲

惟有楊花思空濶正零落處是閒時

王太冲

賦質太輕難作主飄踪無著易粘人

陳肥邀

五言古詩散聯

輕飛不假風輕落不委地撩亂舞晴空發人無限思

劉夢

得

垂楊拂綠水搖艷東風前花開玉闕雪葉煖金窓烟

李太

白

晴天黯黯雪來送青春暮無意似多情千家萬家去

夢得

五言絕句

寒食少天氣春風多柳花倚樓心目亂不覺見栖鴉

少陵

五言八句

楊花三月暮撩亂送春歸盡日閒相逐無風亦自飛輕
輕攔乳燕故故撲征衣莫上高樓望徘徊盼落暉

蔡確

七言絕句

輕盈裊娜占年華舞榭粧樓處處遮春盡絮飛留不得

隨風好去落誰家

劉禹錫

煬帝行宮汴水濱
數枝殘柳不勝春
晚來風起花如雪
飛入宮牆不見人

楊子江頭楊柳春
楊花愁殺渡江人
數聲風笛離亭晚
君向瀟湘我向秦

鄭谷

灞岸晴來送別頻
相偎相倚不勝春
自家飛絮猶無定
爭把長條絆得人

羅隱

永豐坊裏舊腰肢
曾見青青初種時
看盡道遙離別恨
爭教風絮不狂飛

張右史

銀毬拋出翠烟深聚散高低不自禁飄去長郊迎暖日

飛來深院怯春陰

王岩叟

亂條猶未變初黃倚得東風勢更狂解把飛花蒙日月

不知天地有清霜

曾南豐

春花未老楊花飛游子此情傷別離板折楊花贈離別

駸駸匹馬歸何時

楊繪

只道垂楊管別離楊花一去不思歸浮踪浪跡無拘束

飛到蛛絲也不飛

誠齋

三月名園草色青
夢回猶聽賣花聲
春光不管人憔悴

飛絮紛紛弄晚晴

趙信卷

蛺蝶蜂粘發出狂
飄然欲上白雲鄉
無端却被遊蜂攪

綰住東風舞幾場

李梅亭

柳漸成陰萬縷斜
舞腰柔弱美韶華
一庭春色無人管

簷雨聲中飛盡花

顏順仲

苦無筋力太輕柔
何物如君得自由
帶雨飄來成墜雪

捲風歸去作春毬

石敏若

柳送腰肢日幾回更教飛絮舞樓臺顛狂忽作高千丈

風力微時穩下來

陳簡齋

短長亭外柳依依念我心歸未得歸紛蝶不知行客恨

也隨風絮點征衣

度韶

七言八句

飄揚南陌起東鄰漠漠濛濛暗度春花巷暖隨輕舞蝶
玉樓晴拂艷粧人縈迴謝女題詩筆點綴陶公漉酒巾

何處好風偏似雪隋堤河上古江津

劉禹錫

弱植驚風急自傷莫來翻遣思悠揚曾飄綺陌隨高下
敢拂朱欄競短長縈砌乍飛還乍舞撲池如雪又如霜
莫令岐路頻攀折漸擬清陰到畫堂

薛逢

隨風墜露事輕儇巧占人間欲夏天只恐障空飛似雪
從教糝徑白于棉未央宮煖粘歌袖楊子江清惱客船
老去強看愁底事昏花滿眼意茫然

張去
叟

寒勒花遲却速殘暖將絮過忽吹還雪飄霽日光風急
毳滾迴廊曲榭閒萬里雲天皆去處羣飛踪跡恣中間

道渠催得春開著春不緣渠獨不開

誠齋

樂府祖

水龍吟

似花還似非花也無人惜從教墜拋家傍路思量却是
無情有思縈損柔腸困酣嬌眼欲開還閉夢隨風萬里
尋郎去處又還被鶯呼起不恨此花飛盡恨西園落
紅難綴曉來過雨遺踪何在一池萍碎春色三分二分
塵土一分流水細看來不是楊花點點是離人淚

東坡

燕忙鶯懶芳殘正堤上柳花飄墜輕飛點盡春林誰道
全無才思閒趁遊絲靜臨深院日長門閉傍珠簾散漫
垂垂欲下依前被風扶起 蘭帳玉人睡覺怪春衣雪
沾瓊綴繡床漸滿香毬無數纔圓却碎時見蜂兒仰粘
輕粉魚吹池水望章臺路杳金鞍遊蕩有盈盈淚

章質夫

二郎神

日高睡起又恰見柳稍飛絮倩說與年年相挽却又因
他相誤南北東西何時定看碧沼青浮無數念蜀郡風

流金陵年少那尋張緒 應許雪花比並撲簾堆戶更
羽綴游絲毡鋪小徑腸斷鴉鵲喚雨舞態顛狂腰肢輕
怯散了幾回重聚空暗想昔日長亭別酒杜鵑催去

父

馬莊

蝶戀花

蠢蠢黃金初脫後暖日飛綿取次粘窓牖不見長條低
拂酒贈行應已輸纖手 鶯擲金梭飛不透小榭危樓
處處添奇秀何日隋堤繫馬首路長人倦空思舊

周美成

天仙子

三月灞橋烟共雨拂拂依依飛到處雪毵輕颺弄精神
撲不住留不住常繫柔條千萬縷只恐舞風無定據

容易著人容易去肯將心事向才郎待擬處終須與作

個羅幃收拾取

張子湖

清平樂

柳塘新漲艇子操雙槳閒倚曲樓成悵望是處春愁一
樣傍人幾點飛花夕陽又送棲鴉試問畫樓西畔暮

雲恐近天涯

仁 呂居

全芳備祖前集卷十八

欽定四庫全書

全芳備祖前集卷十九

宋 陳景沂 撰

花部

木蘭花

事實祖

碎錄

木蘭葉氣味辛香不及桂

本
草

紀要

孝哀帝元嘉元年芝生後庭木蘭樹上

古今注

北海于君

病癩見市有賣藥姓公孫帛因問之公曰明日木蘭樹

下當授卿明日往授素書二卷以消灾救病無不愈者

神仙傳

雜著

玄冥授郎猛寒嚴烈戕戕堅冰霏霏白雪木應霜而枯

零草隨風而催折翁青翠之茂葉繁旖旎之弱條諒撫

節而矯時獨茲茂而不彫

成公綏賦

張搏為蘇州刺史植木

蘭花於堂前嘗盛開燕客命即席賦之陸龜蒙後至張
連酌浮之徑醉強索筆題兩句云洞庭波浪渺無津日
日征帆送遠人頽然醉倒客讀之皆莫詳其意既而龜
蒙稍醒續曰幾度木蘭船上望不知原是此花身遂為

絕唱

歲脩
錄

賦咏祖

七言散句

木蘭花下可憐條遠道音書轉寂寥

徐殷

五言古詩

二月二十三木蘭開折初初當新病酒復以久離居愁
絕更傾國驚新聞遠書紫絲何日障油壁幾時車弄粉
如傷重調紅或有餘波痕空映襪烟態不勝裾桂嶺含
芳遠蓮塘屬意疏瑤姬與神女長短定何如

李義山

五言律詩散聯

未識春風面先聞樂府名
洗粧濃出塞進艇客登瀛

鄭穀

夫

七言古詩

曉來隨手抹新粧半額蛾眉宮樣黃銖衣洗盡薔薇露
觸處聞香不炷香君不見同時素馨與茉莉究竟帶些脂
粉氣又不見錢塘欲語嬌荷花粗枝大葉忒鉛華何如
个樣隱君子色香不俗真有味根苗在處傲炎涼敢與
松柏爭雪霜椒桂薰猶君襟處小窓相對毋相忘

劉招山

七言絕句

紫房日照胭脂拆素艷風吹膩粉開悟得獨饒脂粉態

木蘭曾作女郎來

樂天
二首

膩如玉指塗朱粉光似金刀剪紫霞從此時時春夢裏

應添一樹女郎花

石上紅花低照水山頭綠篠細含烟天生一本徐熙畫

只欠鴈鴒相對眠

張芸
叟

辛夷花

事實祖

碎錄

正二月開花既落無子夏秋再著花即離騷所謂辛夷

者本一名侯桃人家園庭多種本高數丈葉似柿而長

初出如筆故北人呼為木筆花其子如相思子

本草注

雜著

剪密葉而對嘉樹

注辛夷也 李衡公懷松樓記

賦咏祖

七言散句

谷口春殘黃鳥稀 辛夷花發杏花飛

錢起

辛夷始花亦已落况我與子非壯年

杜甫

五言古詩

昔年將出谷幾日對辛夷倚樹憐芳意扳條惜歲滋清
陰須暫憩秀色正堪思只待揮金日殷勤泛羽卮

李衡公

辛夷吐高花衛公曾手植根株今已非不改舊時色平

泉幾易主况乃刺史宅

韓忠獻

五言絕句

綠隄春草合王孫自流玩况有辛夷花色與芙蓉亂

裴迪

七言古詩

問君辛夷花君言已斑駁不是辛夷不爛開顧我筋骸
官束縛縛遣推囚名刺史狼籍囚徒滿田地明日不推
緣國忌依前不得花前醉韓負外家好辛夷開時乞取
三兩枝折枝為贈君莫惜縱君不折風亦吹

元微之

七言絕句

紫粉筆含尖火焰紅胭脂染小蓮花芳情香思知多少
惱得山僧悔出家

白樂天

桐花

附刺桐

事實祖

碎錄

季春之月桐始華

月令

紀要

頽桐花嶺南處處有之自夏初生至秋蓋草也葉如桐

其花連枝萼皆深紅俗呼為頽桐花

南方草木狀

刺桐花溫

陵城留從效重加版築植刺桐環繞其樹高大而枝葉

蔚茂初夏開花極鮮紅如葉先萌芽而其花後發主明

年五穀豐熟

郡志

賦咏祖

七言散句

木綿花發刺桐開

東坡

喚起十年閩嶺夢
頽桐花畔見紅蕉

蘇子美

誰與深春共憔悴
隔江一樹紫桐花

徐抱獨

梅葉陰陰桃李盡
春光已到白桐花

鼎儒集

城角日高人寂寂小庭行徧拾桐花

劉原父

五言古詩

隴月上山館紫桐垂好陰可憐黯淡色無人知此心
舜沒蒼梧野鳳歸丹穴吟遺落在人世光華那復深
年年怨春意不競桃李林惟占清明後牡丹還復侵
況此空館閑云誰恣幽尋徒煩鳥噪集不語山嶽岑
滿院青苔地一樹蓮花簪自開還自落暗芳終暗沈
爾生不得所

我願栽為琴

元微之

春令有常候清明桐始發何此巴蜀中桐花開十月

香山香

一株青玉立千葉綠雲委亭亭五丈餘高意猶未已山

僧年九十清淨老不死自云手種時一顆青桐子

劉原父

五言古詩散聯

春隨井氣生白花飛濛濛晚枝滴甘露味落寒泉中

得時花葉鮮照影清香助當軒蔽赤日對卧醒百慮

南豐

五言絕句

雨濯猩猩冠茜晴烘鶴頂丹因人顏色好護惜著朱欄

歲寒

集

七言絕句

聞道鄉人說刺桐花如後發始年豐我今到此憂民切

只愛青青不愛紅

丁晉公

猗猗小艷夾通衢暗日熏風送越姝只是紅芳移不得

刺桐屏障滿中都

陳陶

春色來時物喜初春光歸日興閑餘更無人餞春行色

猶有桐花管領渠

誠齋
二首

老去能逢幾個春
今年春事不關人
紅肝紫陌何曾夢
壓尾桐花也俗塵

萬年枝花

一名冬青

賦咏祖

七言散句

好風吹動萬年枝

七言絕句

百子池邊種最奇
無人識是萬年枝
細花密葉青青子

嘗得披香雨露滋

楊龍圖

禁路風清飛早鴉官卑難赴紫宸衙了無公事鉤簾坐

閒看冬青落細花

任叅政

棟花

事實祖

碎錄

苦棟鵲雛食其實 亦名金鈴子 凡二十四番花信

風始梅花終棟花

歲時記

紀要

建武元年長沙人歐回見屈原曰苦蛟龍竊筒米可以

棟葉塞以絲絲縛之二物蛟龍所畏

齊諧記

賦咏祖

五言散句

密葉已成陰高花初著枝

陳後山

橘花

賦咏祖

五言八句

花靜何須艷林深不隔香初開何處覓小摘莫令長春
落秋仍發梅兼雪未強縹姿汲寒醵淺浸一枝涼

誠齋
二首

不夜非闌月無風也自香著花能許細落子不多長玉
糝開猶半金鬚探更強得秋何恨晚映暑却生涼

七言八句

一種靈根有異芬初開猶勝結丹簪白于簷蔔林中見
清似旃檀國裏聞淡月珠胎明璀璨微風玉屑撼繽紛

平生荀令薰香癖露坐花間至夜分

劉後村

柚花

賦咏祖

五言八句

春融百卉茂素榮敷綠枝淑郁麗芳遠悠揚風日遲
南國富佳樹騷人留恨辭空齋對日夕愁絕髮成絲

朱文公

含笑花

事實祖

碎錄

含笑花出海南有紫白二種

本
草

賦咏祖

五言散句

未嘗逢露齒只恐欲傾城

劉
濤

七言散句

不語向人如欲笑

白氏
集

涓涓滴露紫含笑

東坡

花非識面嘗含笑

草解忘憂憂底事花名含笑笑何人

丁謂

如今只有花含笑笑道秦王欲學仙

東坡

試問嫣然如可買會須一笑與千金

白氏集

深情厚意知多少盡在嫣然一笑中

五言絕句

瓜香濃欲爛蓮萼碧初勻含笑知何處低頭似媿人

徐漢

薄薄沈薰骨英英玉煉顏惱人風味別斗帳夢中間

歲寒

集

五言律詩散聯

自有嫣然態風前欲笑人涓涓朝泣露盎盎夜生春

溫鄧

伯

七言絕句

秋來二笑再芬芳紫笑何如白笑強只有此花偷不得

無人知處忽然香

誠齋
二首

薰風破曉碧蓮含香意猶低白玉顏一粲不曾容易發
清香何自向人間

春風滿面喜津津縱有痴拳不忍嗔尚恐意觀安註脚
笑他何事與何人

劉後村

肥樣雕成玉色仙碧瑤幢裏粲婣娟道渠解笑何曾笑
只合更名小白蓮

蕭文仙

獻笑佳人絕可憐姿姿靨輔巧承顴一枝不用千金買
雨洗風吹却粲然

許仲啟

七言八句

菖蒲節序菱荷時翠羽衣裳白玉肌暗折花房須日莫
遙將香氣報人知半開微吐長懷寶欲說還休竟俛眉
樹脆枝柔惟葉健不消更話只消詩

誠齋

一點瓜香破醉眠悞他詩客枉流涎如何滴露牛心李
化作垂頭玉井蓮初喜曉光將亮爾竟羞午影不嫣然
忽看吐下金櫻核蔌蔌聲乾暮葉邊

許仲啟

樂府祖

楊柳枝

綠螭芳英雪一包綻瓊梢清香却暑賞堂均晚風飄
笑靨含羞藏碧葉為隨嬌長隨茉莉展輕綃伴良宵

山茶花

事實祖

碎錄

有紅白二種又有千葉者名品頗多不能盡錄

草木記南

山茶葩萼大倍中州者色微淡葉柔薄有毛結實如梨

大如拳中有數子如肥皂子大別自有一種葉厚硬花

深紅如中州所出者

虞衡志

賦咏祖

五言散句

葉硬經霜綠花肥映雪紅

張芸叟

栽培奪天巧接綴假人功

七言散句

蒼然老樹昔誰種照耀萬朵紅相圍

南豐

惟有山茶殊奈久獨能探月占春風

曾表甫

性晚每經寒始折色深却愛日微紅

劉後村

道人贈我歲寒種不是尋常兒女花

新枝綠嫩籠和日繁艷紅深奪晚霞

桂水集

五言古詩散聯

誰憐兒女花散入冰雪中堂中調丹砂染此鶴頂紅

東坡

南國有嘉樹花若赤玉杯曾無冬春改嘗冒霰雪開

聖俞

山茶又晚出舊不聞圖經花深嫌少態曾入蘇公評

來亦變怪紛然著名稱黃香開最早與菊為輩朋紛紅
更妖艷玉環帶春醒偉哉紅百葉花重枝不勝猶愛並
山茶開花一尺盈日丹又其亞不減紅帶韉吐絲心抽
鬚鋸齒葉剪稜白茶亦數品玉磬尤精明桃葉何從來
別疑武陵愈出愈奇怪一見一欲驚

徐淡月

七言古詩散聯

蒼然老樹昔誰種照耀萬朵紅相圓蜂藏鳥伏不得見
東風用力先吹噓追思前者葉蓋地萬木瘦損徒空枝

南
豐

七言絕句

淺為玉茗深都勝
大曰山茶小海紅
名譽漫多朋援少

年年身在雪霜中

陶弼
二首

江南池館厭深紅
零落空山烟雨
中却是北人偏愛惜
數枝和雪上屏風

遊蜂掠掠粉絲黃
荷葉猶收密露香
待得春風幾枝在
年來殺殺有飛霜

山茶相對本誰栽
細雨無人我獨來
說似與君君不見
爛紅如火雪中開

花近東溪居士家
好攜樽酒款攜茶
玉皇收拾還天上

便恐筠陽無此花

俞國寶

玉潔冰寒自一家
地偏驚此對山花
歸來不負西遊眼
曾識人間未見花

七言律詩

長明燈下石闌干
長共松杉鬪歲寒
葉厚有稜犀角健

花深少態鶴頭丹久陪方丈曼陀雨羞對先生苜蓿盤
雪裏盛開知有意明年歸後更誰看

東坡

樹子團團映碧岑初看喚作木犀林誰將金粟銀絲贈
簇頂朱紅菜碗心春早橫招桃李妬歲寒不受雪霜侵

題詩畢竟輸坡老葉厚有稜花色深

誠齋

青女行霜下曉空山茶獨殿衆花叢不知戶外千林縞
且看盆中一本紅性晚每經寒始拆色深却愛日微烘
人言此樹猶難養暮溉晨澆自課童

劉克莊

七言律詩散聯

鶯聲老矣移難曉
鶴頂丹時看始嘉
兩葉鱗鱗成上蓋

春枝艷艷首羣花

王梅溪

山丹花

賦咏祖

五言散句

堂前橫山丹
錯落瑪瑙盤

東坡

五言古詩

昔游嶺海間，幾見巒卉拆素英。溥夕露，朱葩爛晴日。歸來今幾年，晤對祇寒碧。因君賦山丹，悅復見顏色。

朱文公

七言古詩散聯

山丹吹出青藜火，金蜨窺叢何婀娜。朱槿更作猩袍紅，誇道凡人嘗印可。茉莉從傍粲然笑，掩却諸香誰似我。素馨蕭然山澤臞，至香不數脂粉腴。

陳山有

七言絕句

亭下佳人錦繡衣，滿身瓔珞綴明璣。晚來銷歇無尋處，

花已飄零露已稀

東坡
二首

烟黃露綠曉風香
燕舞鶯啼春日長
誰道使君貧且老

繡屏錦帳咽笙簧

人間花木眼曾經
未識斯花狀與名
丹却青山莫春色

續他紅樹墜時英

軒窓一日聚三英
盡室無塵眼倍明
閩粵固嘗矜絕美

風騷猶未及知名

陳止齋

團藥蜂蕊簇枝間
鉛鼎成丹七返還
乞與幽人伴幽壑

不妨相對兩朱顏

鄭松窓

七言八句

春去無芳可得尋
山丹最晚出幽林
柿紅一色明羅袖
金粉羣虫集寶簪
花似鹿蔥還耐久
葉如芍藥不多深
香沈瓦斛移山麓
聊著書窓伴小吟

誠齋

偶然避雨過民舍
一本山丹恰盛開
種久樹身樛似蓋
澆頻花面大如杯
怪疑朱草非時出
驚問紅雲甚處來
可惜書生無事力
千金移入畫闌栽

劉後村

全芳備祖前集卷十九

欽定四庫全書

全芳備祖前集卷二十

宋 陳景沂 撰

花部

朱槿花

木槿
同

事實祖

碎錄

朱槿花莖葉皆如桑葉光而厚樹高止四五尺而枝婆娑自二月開花至中冬始歇其花深紅色五出大如蜀

葵有蕊一條長于花葉上綴金屑日光所鑠疑若焰生

一叢之上日開數百朵朝開暮落插枝即活出高涼郡

一名赤槿一名日及

南方草木狀

薜木槿也朝華暮落

說文 槿

木槿

本草

有女同車顏如舜華

注木槿也詩

仲夏之月木槿

榮

月令

莊子貴支離悲木槿

淮南子

紀要

汝陽王璵嘗戴研綃帽打曲上自摘紅槿置帽上極滑久而方安曲終花不墜以為能曰花奴資質明瑩必是

神仙中謫墮來也

問元遺事

雜著

覽庭隅之嘉木慕朝華之可玩

盧湛

覽中堂之奇樹稟冲

氣之至清應青春之敷蕊逮朱夏而誕英紅葩紫蒂翠

葉素莖

傅咸

草木朝榮秋悴此花朝開暮落

嵇康賦

皎日昇

而朝華玄景逝而夕零

夏侯湛賦

日及多名蕤賓肇生東方

憐乎夕死郭璞贊以朝榮潘文體其夏盛嵇賦閱其秋

零此則京華之麗木非干越之薜英南中羣草衆花之

寶雅什未名騷人失添雨來翠潤露歇紅灤疊萼疑擎
低莖若倒朝霞映日殊未妍珊瑚照水定非鮮千葉笑
蓉詎相似百枝燈花復羞然

江總賦

其為花也色甚鮮麗

迎晨而榮日中則衰至夕而零莊周載朝菌不知晦朔
此朝不及夕者乎

蘇彥詩序

朝菌者蓋朝華而暮落世謂之

木槿或謂之日及詩人以為薺宣尼以為朝菌其物向
晨而結逮明而布見陽而盛終日而殞不亦異乎何名

之多哉

潘尼賦

賦咏祖

五言散句

蕭條槿花風

白樂天

槿枝無宿花

朝榮殊可惜莫落實堪嗟

回頭向殘照殘照更空虛

李義山

蓮後紅何患梅先白莫誇

吾聞調羹槿異味及粉榆

注冬用槿也山谷

七言散句

槿花一日自為榮

樂天

槿艷繁開照日紅

陳草閣

槿籬芳樹近樵家
麥隴青青一徑斜

溫岐

槿籬護樂纔通徑
竹筧通泉自遍村

秦觀

五言絕句

晨日映簾生流暉
種艷明紅顏易零落
何異此花榮

六一

集

五言古詩散聯

君子芳桂性春濃秋更繁小人槿花心朝在夕不存

文粹

風露雖已冷天色亦黃昏中庭有槿花榮落向一晨秋

開已寂寞夕殞何紛紛正憐少顏色復歎不遠廵男兒

老富貴女子晚姻婚頭白始得志色衰方事人後時不

獲已安得如青春

白樂天

七言絕句

風露淒淒秋景繁可憐榮落在朝昏未央宮裏三千女

但保紅顏不保恩

李義山

籬外涓涓澗水流，槿花半照夕陽愁。欲題名字知相訪，

又恐芭蕉不奈秋。

寶翠

秋薜晚英無艷色，何因栽種在人家。使君只別羅敷面，

爭解回頭愛白花。

香山

甲子雖推小雪天，刺桐猶綠槿花然。陽和長養無時歇，

却是炎州雨露偏。

張登

赤板橋西小竹籬，槿花還似去年時。淡黃衫子渾無色，

腸斷丁香畫小兒。

崔涯

朱槿移栽釋梵中老僧非是愛花紅朝開暮落闌何事

祇要人知色是空

僧紹
隆

風雨無人弄晚芳野橋千樹闌紅房朝榮暮落成何事

可笑紛華不久長

張翥
二首

朝菌一生迷晦朔靈寔千歲換春秋如何槿艷無終日

獨倚闌干為爾羞

壁槿扶疎當縛籬山深不用掩山扉客來踏破松梢月

鶴向主人頭上飛

陸雲
西

七言八句

夾路疎籬錦作堆，朝開暮落復朝開。
抽苞杳杳輕拖糝，近蒂胭脂蘸抹腮。
占破半年猶道少，何曾一日不芳來。
花中却是渠長命，換舊添新底用催。

誠齋

七言律詩散聯

曉艷欲開，孫武陣晚英爭墮。
綠珠樓來如急電，無因駐去似驚鴻，不可收。

佛桑花

事實祖

碎錄

花似槿四時嘗開婦人簪帶之

臨漳志

佛桑花比朱槿頗

耐久蓋二種也

清漳志

佛桑其花丹重敷柔澤葉如桑其

花五六出大如蜀葵有藥一條長於花葉上綴金屑日

光所鑠疑為焰朝生暮墮

南海吳名記

荔支以鹽梅浸佛桑

花為紅漿漬之曝乾色紅而甘酸

蔡君謨

紀要

明道中予為漳州軍事判官晚秋至州而耕園驛庭有
佛桑數十株開花繁盛念其寒月窮山方自媚好乃作
耕園驛佛桑花詩一首既而乘桴東下又作溪行一首
慶歷七年余使本路明年夏四月自汴來漳復至是驛
花尚仍舊追感昔遊因紀前事并載舊篇龕西壁云

蔡君

謨詩
序

賦咏祖

五言散句

野人家焰焰燒紅有佛桑

君謨

七言八句

使輅迢遞到天涯
候館遷延感歲華
白髮却扳臨砌樹
青條猶放過牆花
悲來唯有金城角
醉後曾乘海客槎
欲問昔游無處所
晚烟生水自沈沙

君謨
二首

溪館初寒似早春
寒花相倚媚行人
可憐萬木彫零盡
獨見繁枝爛漫新
清艷夜占雲表路
幽香時過轍中塵
名園不肯爭顏色
灼灼天桃野水濱

茶花

賦咏祖

七言散句

青裙玉面初相識九月茶花滿地開

陳簡齋

七言律詩

細嚼花鬚味亦長新芽一粟葉間藏
稍經臘雪侵肌瘦疑得春雷發動狂
開落空山誰比較蒸烹來歲最先嘗

由子

巴欖花

附欖花

賦咏祖

七言八句

南湖窠木已交加
種欖栽欖更北涯
生眼錯疑為夜合
新鶯知不是桃花
綠雲四合藏陰屋
翠浪全機織素紗
桂隱主人矐見骨
不餐酥酪只餐茶

誠齋

山枇杷花

賦咏祖

七言散句

若使此花兼解語推囚御史定違程

樂天

七言古詩

山枇杷花似牡丹殷潑血往年來傳過青山正值山花
好時節壓枝凝艷已全開映葉香苞纔半裂繫縛紅袖
欲支頤慢解絳囊初破結金綫叢飄繁藥亂珊瑚朵重
纖莖折因風旋落裙片飛帶日斜看目精熟亞木依岩
半側傾籠雲隱霧多愁絕

元微之

七言律詩散聯

火樹風來翻絳焰，瓊枝日出晒紅紗。
回看桃李都無色，映得芙蓉不是花。
爭奈結根深谷底，無因移得到人家。

香山

七言絕句

萬里青峰蜀門口，千樹紅花山頂頭。
春盡憶家歸未得，

低徊如解替君愁。

香山

月季花

事實祖

紀要

有紅白一色每月一開花

賦咏祖

五言散句

四時花不絕

張芸叟

開花不遺月

子由

人間不老春

白氏集

七言散句

月季祇應天上物

張文潛

春色四時長在目

白氏集

但聞花開日日紅

天下風流月季花

陳叅政

花落花開無間斷春來春去不相關

白氏集

牡丹最貴惟春晚芍藥雖繁只夏初

一壺不覺叢邊盡暮雨霏霏欲濕鴉

陳叅政

五言古詩

幽芳本長春暫瘁如蝕月且將付造物未易料枯枿也
知宿根深便作紫笋茁乘時出婉婉為我暖栗烈先生
早貴重廟論推英拔而今城東瓜不記召南爰陋居有
遠寄小圃無濶躡還為久處計坐待行年匝鵬果綴梅
枝春杯浮竹葉誰言一萌動已覺萬木活聊將玉蘂新
挿向綸巾折

東坡

羣花各分榮此花魁時序聊披淺深艷不易冬青慮真

宰竟何言予將造形悟

宋景文

五言絕句

月季花上雨春歸一憑闌
東西南北客更得幾回看

陳簡

齊

紅襟映肉色薄暮無乃寒
園中如許多獨覺賦詩難

七言絕句

牡丹殊絕委春風
露菊蕭疎怨晚叢
何似此花榮艷足

四時嘗放淺深紅

韓魏公

七言八句

只道花無十日紅此花無日不春風一尖已剥胭脂筆
四破猶包翡翠茸別有香超桃李外更同梅鬪雪霜中
折來喜作新年看忘却今辰是季冬

誠齋

樂府祖

醜奴兒

牡丹不好長春好有个因依一兩枝兒但是風光總屬
伊當初祇為嫦娥種月正明時教恁芳菲伴著團圓

十二回

王冠卿

麗春花

賦咏祖

七言散句

塵壓鴛鴦廢錦機滿頭空插麗春枝

名賢集

五言古詩

百花競春華麗春應最勝少須好顏色多浸枝頭刺紛

紛桃李枝處處總能移如何始貴重却怕有人知

少陵

蓬蒿眼已熟收拾到阿麗從分色紅白未害格奴婢爭

妍知不足出刺以自衛上有寒梅枝春霜正憔悴

張石史

五言八句

梁苑花銷去黃臺蚤自薰不同罌子粟別是石榴裙
婀娜勝掌叅差莫夢雲王郎尋水竹駐履幾殷勤

五言律詩散聯

照眼粧新就扶頭酒半醒妖姿隨變化薄命易飄零

徐漢

月

七言律詩散聯

嬌困扶頭憐半醒
淡濃宜面闔新粧
竝肩覷粟多含怨

具體牡丹惟欠香

徐漢月

長春花

賦咏祖

五言古詩散聯

長春如稚女飄搖倚輕颺
卯酒暈玉頰紅綃卷生衣

東坡

鄉邑已無路僧廬今是家
聊乘數點雨自種兩株花

陳簡齋

齋

離落失秋序風烟添歲華衰翁病不飲獨立到栖鴉

七言散句

自有嬌紅間蒼葉不隨凡卉待春回

癸齋

七言八句

誰言造化無偏意獨抱春光向此中
葉裏儘藏雲外碧
枝頭賸帶日邊紅
曾聞桃李開時雨欲伴梧桐落後風
費盡主人歌與酒不教閒却賞花翁

樂府祖

一落索

葉底枝頭紅小天然窈窕後園桃李謾成蹊占得春多
少不管雪消霜曉朱顏長好年年若許醉花開待拚

了花間老

舒信道

壽春花

賦咏祖

七言絕句

花間綴玉碧敷腴香挹南薰景又殊天賦芳姿長不老

卷二十
命名為壽定非誣

楊與齋

迎春花

事實祖

碎錄

閣前迎春花二月初始開與小桃同時

劉原父

賦咏祖

七言散句

朱門深鏤不知春苒苒年光暗中換

王岐公

五言律詩散聯

淺艷作鶯羽纖條結兔絲偏凌早春發應謂衆芳遲
晏元獻

七言絕句

幸與松筠相近栽不隨桃李一時開杏園豈敢教君去

未有花時且看來
香山

金英翠萼帶春寒黃色花中有幾般憑君與向遊人道
莫把蔓青花眼看

覆闌纖弱綠條長帶雪冲寒坼嫩黃迎得春來非自足

百花千卉共芬芳

韓忠獻

迎得新春入舊科獨先嘉卉占陽和今年頓被春推折
應為尖頭送暖多

穠李繁桃刮眼明東風先入九重城黃花翠蔓無人顧

浪得迎春世上名

劉原父

沈沈華省鏤紅塵忽地花枝覺歲新為問名園最深處
不知迎得幾多春

華省當時綠髮郎金樽美酒醉紅芳今日對花不成飲
春愁已與草俱長

仙掌花

賦咏祖

七言絕句

綠葉枝頭數簇紅不禁風日變芳容未應得近花壇列
只可山礬到野農

剪春羅花


賦咏祖

七言絕句

誰把風刀碎薄羅極知造化著工多飄零易逐春光老

公子樽前奈若何

翁元廣



全芳備祖前集卷二十